

489.

1263 d. 23 Oct.

Rom.

Påfv. URBANUS IV:s Bref till Biskopen i Skara med försäkran att korsfarare ej skola i rättgångar kallas utom det stift, i hvilket de hafva sina gods.

F. 1: 268. An. 3. Ep. 73.

Urbanus IV. dat litteras apostolicas Episcopo Scarensi Ne Crucesignati Svetiæ extra Diocesi trahi possint ad Iudicium sine expressa huiusce Privilegii derogatione.

Vrbanus &c. Venerabili Fratri . . . Episcopo Scarensi Salutem &c.

Volentes omnes Crucesignatos, et Crucesignandos in Svetia pro subsidio Terre Sancte singularis Privilegii prerogativa gaudere, Crucesignatis, et Crucesignandis huiusmodi, ut per litteras apostolice Sedis, vel Legatorum eius impetratas hactenus, quarum non sit auctoritate processum, et impetrandas in posterum, nisi dicte Sedis littere impetrande plenam, et expressam fecerint de presentibus mentionem extra Dioceses, in quibus ipsi, et eorum bona consistunt in causam inibi, vel ad iudicium evocari non possint, dummodo parati sint coram eorum Ordinariis de se querelantibus exhibere iustitie complementum auctoritate presentium indulgemus. Nulli ergo &c. nostre concessionis &c. Si quis autem &c. Dat. apud Urbem Veterem X^o. Kalend. Novembris Anno Tertio.

490.

1263 d. 23 Oct.

Rom.

Påfv. URBANUS IV:s Bref till Ärke-Biskopar, Biskopar och andra kyrkans Prelater i Sverige med befallning att bistå Biskopen i Skara, i förutnämde uppdrag.

F. 1: 266. An. 3. Ep. 74.

(Urbanus &c.) Archiepiscopis et Episcopis ac ceteris Ecclesiarum Prelatis per Svetiam constitutis, ut supradicto Episcopo in Crucis predicationis officium assistant.

Terram Sanctam &c. (jempf. följande N:o 491). Dat. apud Urbem Veterem X^o. Kal. Novembris Anno Tertio.

491.

1263 d. 13 Nov.

Rom.

Påfv. URBANUS IV:s Förordande hos Svenska presterskapet för Biskopen (ULF) i Skara, om hans erhållna uppdrag rörande Heliga landets angelägenheter.

F. 1: 270. An. 3. Ep. 74.

Litteræ Urbani IV. Clero per Svetiam constituto directæ pro negotio Terræ Sanctæ commisso Episcopo Scarensi.

Urbanus &c. Venerabilibus Fratribus Archiepiscopis, et Episcopis, ac ceteris Ecclesiarum Prelatis per Svetiam constitutis Salutem &c.

Terram Sanctam, quam Vnigenitus Dei filius Dominus Ihesus Christus in proprium sibi patrimonium, et hereditatem elegit conspicientes feritate diversorum infidelium immaniter lacerari, vias et modos desideranter exquirimus, quibus eidem terre possint oportuna presidia nostro ministerio provenire. Quare de Venerabili Fratre nostro . . . Episcopo Scarensi quem Dei timorem habere credimus, et amorem, quique multiplicibus donis virtutum preditus utiliter scit, et valet ubi labores impendit plenam in Domino fiduciam obtinentes, predicationem Crucis pro dicte terre subsidio in Svetia sibi per nostras litteras sub certa forma duximus committendam, cupientes ut negotium ipsum in manibus eius eo plenius divina clementia faciente proficiat quo magis insidet cordi nostro, et quo maiorem necessitatem ad presens eidem terre novimus imminere. Ideoque Vniversitatem vestram rogamus, et hortamur attente vobis nihilominus in remissionem peccaminum iniungentes, quatenus prefato Episcopo, et aliis, quos in hoc ipse cooperatores elegerit circa ipsius negotii prosecutionem ferventer assistere studeatis, habentes ipsum Episcopum immo potius nos in ipso tanquam nobis intimum in eiusdem prosecutione negotii favorabiliter in Domino commendatum. Ita quod devotionem vestram commendare cum gratiarum actionibus merito valeamus, ac nihilominus exinde divine retributionis vobis proveniat incrementum. Dat. apud Urbem Veterem Idibus Novembris Anno Tertio.

492.

1264.

Husaby Trögld.

KONUNG WALDEMARS och BIRGER JARLS stadfästelse på Kon. ERIK KNUTSSONS och JOHAN I:s Bref öfver gränserna för en Skoklosters tillhörighet i Småland; hvarjemte klostrets gods tages i Kongl. Beskydd.

D. a. 7: 453. *)

Universis Christi fidelibus præsentibus litteras auditoris vel visuris W. D. G. Rex Svethiæ, nec non et pater suus B. eadem gratia Dux ejusdem Regni salutem in filio virginis benedicto. Brevis vita mortalium res utiliter gestas ad posterorum notitiam non extendit, nisi presentium providentia procuretur, ut scriptura superstite fiat annosum, quod mors vel oblivio longinquitate temporis poterant abolere. Notum igitur facimus universis, tam præ-

*) Derstädes med anmärkningen: "collat. med Orig. Permbrefvet," det ÖRNHJELM för sin egenhändig afskrift begagnat, men hvilket sedermera lärar gått förloradt, helst PERINGSKJÖLD för sin afskrift, i E. 6: 28, ej haft annat till grund än en sednare tids copia i en bok med sign. q. p. 75, 83. v. och 93.